

商雒鼎銘原父得之終南上雒其銘云惟十有四

月既死霸王在下都雒公誠作隳鼎用追享丁於

皇目考用乞麋壽萬年無疆子子孫孫永寶用雒

公不知為何人原父謂古丁寧通用蔡君謨謂十

有四月者何原父亦不能言也六一題跋按十有四句月既死句

四皓沒惠帝為之製文立碑而四皓碑日獨見於

任昉文章緣起故特表出之天祿識餘

長安任中宣家素蓄寶鏡謂之飛精識者謂是三

代物後有八字近籀篆云水銀陰精百鍊成鏡云

商山樵者石下得之龍成錄